

Starfsskýrsla félags ása á Íslandi

Formáli formanns

Við fengum nokkrar góðar áminningar um það að félagið er mörgum nauðsynlegt þó að oft virðist svo ekki vera. Þátttaka er mjög dræm bæði á netinu og þegar hist er í raunheimum sem er mjög svekkjandi. Það vantar sárlega fólk með hugmyndir og drif til að koma þeim í framkvæmd. Við munum þó halda áfram með þessa vinnu. Formaður er búinn að vera að rembast við að uppfæra heimasíðu og þýða hana yfir á ensku. Öll hjálp er vel þegin!

Núverandi formaður,

Elísabet Raket Sigurðardóttir (Elly)

Viðburðar annáll 2023

Formaður tók þátt í að þýða á íslensku alþjóðaverkefni um eikynhneigð sem síðan var birt á Instagram. Stjórn gaf út upplýsingabæklinga sem byggðir voru á þessu verkefni.

Hittingar voru haldnir einu sinni í mánuði og gengu vel þó að oft mættu mjög fáir.

Tekið var þátt í gleðigöngunni og ákveðið var að fjárfesta í sérmerktum bolum fyrir þá sem vildu ganga með okkur. Þátttaka var dræm þrátt fyrir að margir hafi skráð sig til að fá fría boli og það voru viss vonbrigði.

Tveir stjórnarmeðlimir (Elísabet R og Fanney) tóku þátt í Nordic LGBTQ Conference sem haldin var í Reykjavík.

Félagatal

Það eru einungis 30 einstaklingar formlega skráðir í félagið en 145 meðlimir í lokuðum Facebook hóp okkar. Aðeins 17 félagar hafa greitt félagsgjöld síðasta ár.

Lagabreytingartillögur

Engar lagabreytingartillögur bárust stjórn á þessu ári.

Viðauki - Lög félagsins

1. Heiti og hlutverk

1.1 Félagið heitir Ásar á Íslandi

1.2 Tilgangur félagsins er að asexual fólk (ís. eikynhneigðir), aromantic og undirflokkar verði sýnilegt og viðurkennt og njóti fyllstu réttinda í íslensku samfélagi.

1.3 Markmiðum sínum hyggst félagið ná með því að auka sýnileika með fræðslu og eiga í samstarfi við sambærileg samtök, hópa, áhugafólk hérlandis og erlendis sem stefna að sömu markmiðum.

2. Félagsaðild

2.1. Félagi getur hver sá gerst sem skilgreinir sig sem asexual, aromantic eða undirflokkum þess og/eða er tilbúinn að vinna að tilgangi og markmiðum félagsins.

2.2. Þeir einir teljast gildir félagar sem greitt hafa félagsgjöld. Félagsfólki ber að tilkynna úrsögn úr félaginu skriflega til stjórnar. Félagi sem ekki hefur greitt félagsgjöld í 2 ár samfellt telst hafa skráð sig úr félaginu.

2.3. Stjórnin ber ábyrgð á félagaskrá sem einungis er til afnota fyrir stjórn og starfsfólk félagsins og eru þeir bundnir þagnarskyldu um hana.

3. Aðalfundur

3.1 Aðalfundur fer með æðsta ákvörðunarvald félagsins. Hann skal halda eigi síðar en 1. apríl ár hvert. Boða skal til fundar með minnst tveggja vikna fyrirvara rafrænt með tölvupósti og auglýsa á allavega einum samfélagsmiðli og eða fjölmiðli.

3.2 Rétt til fundarsetu hafa eingöngu gildir félagar.

3.3 Aðalfundur er löglegur sé rétt til hans boðað.

3.4 Einfaldur meirihluti mættra félagsmanna ræður úrslitum mála.

3.5 Dagskrá aðalfundar er:

1. Kosning fundarstjóra og fundarritara
2. Lögmæti aðalfundar staðfest
3. Skýrsla stjórnar lögð fram
4. Reikningar lagðir fram til samþykktar
5. Lagabreytingar
6. Ákvörðun félagsgjalds
7. Kosning stjórnar
8. Kosning skoðunarmanns reikninga
9. Önnur mál

4. Stjórn

4.1 Stjórn félagsins skal skipuð félagsmönnum. Stjórn skipa fimm félagsmenn, þau skipta með sér verkum á fyrsta stjórnarfund. Stjórn félagsins fer með málefni félagsins milli aðalfunda. Firmaritun er í höndum meirihluta stjórnar. Stjórn skal kosin ár hvert.

4.2 Stjórn ákveður hverjir hafa prókúru réttindi á reikninga og netbanka félagsins.

5. Félagsfundir

5.1. Félagsfundur fer með æðsta ákvörðunarvald félagsins á milli aðalfunda. Boða skal til fundar með minnst tveggja vikna fyrirvara rafrænt með tölvupósti og auglýsa á allavega einum samfélagsmiðli og/ eða fjölmiðli.

5.2. Rétt til fundarsetu hafa eingöngu gildir félagar.

5.3 Félagsfundur er löglegur sé rétt til hans boðað.

5.4 Einfaldur meirihluti mættra félagsmanna ræður úrslitum mála.

5.5 Ef 5 gildir félagar óska eftir félagsfundi ber stjórninni að boða til félagsfundar.

5.5.1 Gildur félagsmaður getur beðið stjórn um að tölvupóstur sé sendur á félagsmenn í þeim tilgangi að óska eftir stuðningi við beiðni um félagsfund. Stjórn verður að verða að þeirri ósk.

6. Fjármál

6.1 Ákvörðun um félagsgjald fyrir næsta starfsár skal tekin á aðalfundi. Félagsgjöld skulu innheimt árlega fyrir aðalfund.

6.2 Rekstrarafgangur/hagnaður af starfsemi félagsins skal geymdur á reikningi félagsins til að nýta eftir þörfum félagsins.

7. Lagabreytingar

7.1. Tillögur að lagabreytingum skulu hafa borist stjórn félagsins fjórum vikum fyrir aðalfund rafrænt. Þær skulu síðan kynntar fyrir félögum minnst hálfum mánuði fyrir aðalfund með tölvupósti og auglýsa á allavega einum samfélagsmiðli. Undanþegnar þessum skilafresti eru tillögur sem lúta að orðalagi og formi en breyta á engan hátt efnislegu innihaldi áður framkominna tillagna. Lögum þessum verður ekki breytt nema með samþykkt á aðalfundi og þá með 2/3 hlutum greiddra atkvæða. 7.2. Félagið verður ekki lagt niður nema með samþykkt á aðalfundi sem hlotið hefur sömu meðferð og tillögur að lagabreytingum og þá með 2/3 hlutum greiddra atkvæða. Atkvæðagreiðsla skal vera skrifleg. Ber þá að eyða félagaskránni, en önnur gögn og eignir félagsins renna til Samtakanna '78.

Lög þessi voru samþykkt á stofnfundi 25.02.2018. Nokkrar breytingar voru gerðar á aðalfundi 2022.